

इवनिंग डोगरी न्यूज़ बुलेटिन

समे-18:15 Hrs

Headlines

- 1 प्रधानमंत्री नरेंद्र मोदी होंरें आखेआ ऐ जे मुख चमड़ी दे रंग दे आधार पर अपमान बर्दाश्त नेई करोग।
- 2 विश्व रेड क्रॉस दिवस संरक्षण, सहायता, सेहत सेवा, समाजिक सहायता ते इकजुटता दी जरूरत आले लोकें कन्ने कम्म करने आले लक्खां बद्दे कर्मचारिणं ते स्वयंसेवकें गी श्रद्धालुमन अर्पित करने आस्तै मनाया जा रदा ऐ।
- 3 पुंछ जिले च भारतीय वायु सेना दी कानवाई पर होए दे हमले मगरा आतंकवादिएं गी फगड़ने लेई चलाया गेदा तपाशी अभियान अज्ज 5में रोज बी जारी।
- 4 इस बरे केंद्र शसित प्रदेश जम्मू-कश्मीर थवां 7 ज्हार सोयां मते अकीतदमंद हज पर जा'रदे न।

<><><><><><>

PM-Rally

प्रधानमंत्री ते भारतीय जनता पार्टी दे वरिष्ठ नेता नरेंद्र मोदी होरे आखेआ ऐ जे मुख चमड़ी दे रंग दे आधार पर लोकें दा अपमान बर्दाश्त नेई करोग। तेलंगाना दे वारंगल च इक जनसभा गी संबोधित करदे होई मोदी होंरें साबका प्रधानमंत्री पी.वी नृसिम्हा राव होंरें गी लेइए बी कांग्रेस पर हमला कीता। उनें आखेआ जे भारतीय जनता पार्टी दी नीति रेई ऐ जे मुख पैहले ऐ, जिसले जे कांग्रेस ते बी.आर.एस जनेई पार्टिणं आस्तै परौआर सब्बनें थवां पैहले ऐ। परौआर गी पैहले रक्खने आली नीति करी कांग्रेस नै पी.वी नृसिम्हा राव हुंदा अपमान कीता जिसले कि एनडीए नै उनेंगी सम्मान दिंदे होई उनेंगी भारत रत्न दित्ता। प्रधानमंत्री होंरें लोकें सोयां विकास ते तेलंगाना दे हितें गी नुकसान पजाने आलें गी करारा जवाब देने आस्तै वोट देने दी अपील कीती। उनें आरोप लाया जे कांग्रेस सरकार कालेश्वरम सिंचाई परियोजना घोटाले च शामिल बीआरएस कार्यकर्ताएं गी संरक्षण देआ रदी ऐ। मोदी होंरें आरोप लाया जे जित्थे बी कांग्रेस ते इंडी गठबंधन दे सहयोगी सरकार बना रदे न उत्ये उनें राज्यें गी एटीएम बनाई दित्ता ऐ। उनें दस्सेआ जे किस चाल्ली झारखंड च कांग्रेस दे इक सांसद कश 300 करोड़ रुपे दे नोटें दा पहाड़ पाया गेआ। उनें आखेआ जे तेलंगाना च कांग्रेस सरकार नै राज्य दा खजाना खाली करी दित्ता ते विकास दे सारे कम्म रोक्की दित्ते न।

<><><><><><>

World Red Cross Day

विश्व रेड क्रॉस ते Red Crescent दिवस अज्ज मनाया जा रदा ऐ। एह दिन स्वयंसेविणं, लक्खां बद्दे कर्मचारिणं दे कम्में गी मान देने आस्ते मनाया जंदा ऐ। एह दिन हर बरे 8 मई गी अंतरराष्ट्रीय रेड क्रॉस ते रेड Red Crescent आंदोलन दी विचारधारा ते मनुक्खी आधार पर कीते गेदे कम्में प्रति सम्मान दे तौर पर मनाया जंदा ऐ। Henry Dunant इक अग्रणी स्विस् स्वयंसेवक हे जिनें लगभग 160 बरे पैहलें अंतरराष्ट्रीय रेड क्रॉस ते रेड Red Crescent अभियान दी शुरूआत कीती ही।

<><><><><><>

WRCD-Kishtwar

किश्तवाड़ च रेड क्रॉस सोसायटी दी जिला इकाई नै जिला प्रशासन दे सहयोग कन्नै अज्ज बड़े उत्साह ते जोश कन्नै रेड क्रॉस सरबन्धी ध्याड़ा बनाया। इस प्रोग्राम दौरान किश्तवाड़ दे डिप्टी कमिशनर डॉक्टर दिवंश यादव, ए.डी.सी पवन कोतवाल ते होर केई बड़े अधिकारी शामिल होए दे हे। रेड क्रॉस दिवस हर बरे 8 मई गी मनाया जंदा ऐ। इस दिन रेड क्रॉस दी अंतरराष्ट्रीय कमेटी दे संस्थापक हेनरी ज्यूनेट हुंदा जन्मदिन ऐ। एह ध्याड़ा मनुक्खता ते जरूरतमंदें दी सहायता लेई रेड क्रॉस सोसायटी दे जत्तें गी मानता देने लेई पूरी दुनिया च मनाया जंदा ऐ। किश्तवाड़ दे डिप्टी कमिशनर डॉक्टर दिवंश यादव होंरें स्टाड़े जिला संवाददाता कैलाश नाथ कन्नै गल्ल करदे होई आखेआ जे।

<><><><><><>

WRCD-Jammu

विश्व रेड क्रॉस ध्याडे दे मौके पर जम्मू दे टीचर भवन च भारतीय रेड क्रॉस सोसायटी आस्सेआ रक्तदान कैंप लोआया गेआ। इस रक्तदान कैंप दा उद्घाटन जम्मू दे डिप्टी कमिशनर सचिन कुमार वैश्य होरें कीता। ओहू जिला रेड क्रॉस सोसायटी जम्मू दे चेयरमैन बी हैन। डिप्टी कमिशनर जम्मू होरें समारोह च रेड क्रॉस दा झंडा फहराया। इस मौके पर प्रोग्राम च शामिल होने आहलें गी रेड क्रॉस दी सगंध बी चकाई गई। दर्जनां लोकें कैंप च रक्तदान कीता। डिप्टी कमिशनर जम्मू सचिन कुमार वैश्य होरें इस मौके पर बोलदे होई आखेआ जे हर जगह पर रेड क्रॉस दा बड्डा योगदान ऐ कीजे पैहले रेड क्रॉस दा मेडिकल क्षेत्र च योगदान हा उवां हुन रेड क्रॉस दे स्वयंसेवी हर कुतै जरूरतमंद दी सहायता करदे न ते अपना योगदान दिंदे न। उनें आखेआ जे। इस मौके पर एनसीसी दे इक्क कैडेट नै बोलदे होई आखेआ जे।

<><><><><><>

WRCD-Doda

हेनरी ड्यूनेट हुंदा जन्म दिन मनांदे होई जिला रेड क्रॉस सोसायटी डोडा आस्सेआ इक वाद-विवाद प्रतियोगिता, पेपर रीडिंग, पेंटिंग प्रतियोगिता ते सांस्कृतिक प्रोग्राम दा सरिस्ता कीता गेआ। एहू प्रोग्राम जागतें दे हायर सेकेंडरी स्कूल च लोआया गेआ। डिप्टी कमिशनर डोडा हरविंद्र सिंह होर इस मौके पर मुख् परौहने हे। ओहू जिला रेड क्रॉस सोसायटी दे चेयरमैन बी हैन। इस मौके पर बोलदे होई डिप्टी कमिशनर हरविंद्र सिंह होरें आखेआ जे।

<><><><><><>

WRCD-Reasi

रेड क्रॉस आंदोलन दे संस्थापक हेनरी ड्यूनेट होरें गी श्रद्धांजलि भेंट करने लेई रियासी च बी विश्व रेड क्रॉस ध्याडा मनाया गेआ। जिले दे डिप्टी कमिशनर विशेष महाजन होरें इस मौके पर बोलदे होई आखेआ जे।

<><><><><><>

WRCD-Udhampur

विश्व रेड क्रॉस ध्याडे दे मौके पर उधमपुर दे डी.सी दफ्तर च रेड क्रॉस सोसायटी उधमपुर नै इक्क प्रोग्राम लोआया। उधमपुर दियां डिप्टी कमिशनर सलोनी राय होर इस मौके पर मुख् परौहिनयां हियां। प्रोग्राम दौरान बोलदे होई डिप्टी कमिशनर सलोनी राय होरें आखेआ जे।

<><><><><><>

CASO-Poonch

इस म्हीने दी 4 तरीक गी पुंछ जिले दे शास्तर इलाके च भारतीय वायु सेना दी कानवाई पर आतंकवादिएं आस्सेआ कीते गेदे हमले मगरा सुरक्षाबलें आस्सेआ चलाया गेदा तपाशी अभियान अज्ज 5में दिन बी जारी ऐ। सेना ते पुलस आस्सेआ पुंछ जिले दे सानाई, शास्तर, ते गुरसेई टॉप इलाके च तपाशी अभियान चलाया गेदा ऐ। एहू तपाशी अभियान आले दोआले दे होरनें इलाकें च बी चलाया जा रदा ऐ। केई सारे इलाकें दी घेराबंदी करिए उत्ये सख्त निगरानी रक्खी जा रदी ऐ। आतंकवादिएं शनिवारें शास्तर इलाके च भारतीय वायु सेना दी कानवाई पर घात लाइयै हमला कीता हा। इस हमले च वायु सेना दा इक जोआन शहीद होआ ते किश होर घायल बी होए हे।

<><><><><><>

Hajj-Pilgrims 2024

केंद्र शासित प्रदेश जम्मू-कश्मीर सवां इस बरे 7 ज्हार कोला मते हज यात्री साउदी अरब दे मक्का मदीना च हज जात्तरा लेई जा करदे न। श्रीनगर अंतरराष्ट्रीय ब्हाई अड्डे सवां कल्ल पैहली डोआरी रवाना होग। आकाशवाणी दे जम्मू संवाददाता नै खबर दिती ऐ जे जम्मू-कश्मीर सवां इस बरे कुल 7 ज्हार 8 श्रद्धालु हज जात्तरा लेई रवाना होआ करदे न। इंदे चा 6 ज्हार 852 यात्रु श्रीनगर सवां रवाना होडन, 541 हज यात्रु होरनें ब्हाई अड्डें, खास करियै दिल्ली सवां रवाना होडन। लद्दाख सवां जाने आहले जायरीन बी श्रीनगर सवां रवाना होडन। कल्ल रवाना होने आहले पैहले बैच च 320 हज यात्रु शामिल होडन। तकरीबन 37 महिलां बी विजन मैहरम दे धार्मिक जात्तरा पर जा करदियां न। इंदे चा मती सारी महिलां यात्रु श्रीनगर सवां रवाना होडन। जम्मू-कश्मीर हज कमेटी यात्रुएं गी विजन अड्डे च हज यात्रा कराने गी यकीनी बनाने लेई कम्म करा करदी ऐ। मुकदस जात्तरा लेई हज जाने आहले श्रद्धालुएं दी सहूलत लेई प्रबंध

कीते गेदे ना। इस बरे मदीना सवां धार्मिक जात्तरा दी शुरूआत होग। मीना शैहर च व्यापक प्रबंध कीते गेदे ना। जोन बनाइयै तम्बू लाए गेदे ना। जम्मू-कश्मीर दे बक्ख-बक्ख मैहकमें आस्सेआ किट्टे रलियै कम्म कीता गेआ ऐ। इंदे च सेहत-सुरक्षा ते अमरजैसी सेवां शामिल ना। यात्रुएं लेई जरूरी जानकारी ते मार्गदर्शन लेई दो बारी सिखलाई आहले सत्र बी लोआए गेदे ना।

<><><><><><>

Bamboo-Training

दस्तकारी ते हत्थखड्डी सरबंधी मैहकमे आस्सेआ मुकामी कारीगरें गी बांस थवां उत्पाद ते चीजां बनाने बारै सिखलाई देने दा कम्म होआ रदा ऐ। बांस दे विकास सरबंधी कम्में लेई असम दी सरकार कन्नै जम्मू-कश्मीर नै सहमति पत्र पर दस्तखत कीते ना। एहदे तैहत कारीगरें गी बांस थवां चीजां बनाने बारै सिखलाई दिती जाग ते होर दुए उत्पाद बनाने लेई दस्तकारें च बेहतर हुनर बी विकसित कीता जाग। कठुआ जिले दे केई सारे कम्मगारें गी एहदे तैहत सिखलाई दिती जा रदी ऐ। जिले च सिखलाई देने लेई 4 सिखलाई केंद्र कम्म करा रदे ना। 75 कारीगरें गी सिखलाई दिती जा रदी ऐ। दस्तकारी ते हत्थखड्डी सरबंधी सहायक निदेशक प्रदीप शान ते सिखलाई हासिल करा रदी कुडी नै गलाया।

<><><><><><>

SVEEP-Poonch

पुंछ जिले च स्वीप टीम नै लोकतांत्रिक मुल्लें गी बढावा देने ते मतदाताएं गी जागरूक करने दे मकसद कन्नै मरदसे दा दौरा लाया। एहदा मकसद मरदसे दे विद्यार्थिं गी मतदान प्रक्रिया बारै जानकारी बनाना ते लोकसभा चुनाव च बदी चडिह हिस्सा लैने बारै जागरूक कीता। टीम नै विद्यार्थिं गी आखेआ जे ओह बदलाव दे संदेश देने आले बनन। मास्टर ट्रेनर गगनदीप कौर होरें स्हाडे जिला संवादाता अनुभव मिसरी कन्नै गल्ल करदे होई आखेआ।

<><><><><><>

Samba-HAPD

राई-बाई दे पूरे पराते विकास सरबंधी जिला सतह दी कमेटी दी सांबा दे जिला विकास आयुक्त हुंदी अगुवाई च बैठक लग्गी। इस दौरान करसानें दी ताल, राई-बाई दी पैदावार ते करसानें दे कल्याण ते सरबंधी मैहकमें दे लाभार्थिं बगैरा बारै जायजा लैता गेआ। राई बाई दे पूरे पराते विकास ते सरबंधी मैहकमे दी स्कीम लेई 258 लाभार्थिं दी ताल कीती गेई। डी.सी होरें योग्य करसानें गी बद्दोबद्द लाह पजाने लेई गलाया।

<><><><><><>

Voter Turnout

लोकसभा चुनाव दे त्रीए गेड तैहत कल वोट पाए गए। इस दौरान 64 अशारिया 58 फीसद मतदान दर्ज कीता गेआ। त्रीए गेड तैहत 10 राज्यें ते इक केंद्र शासित प्रदेश दी 93 लोकसभा सीटें लेई वोट पाए गए। मतदान शांतिपूर्ण सम्पन्न होई गेआ। मुख्य दे मते सारे हिस्सें च बडी मती गर्मी दे बावजूद खरी मती गिनतरी च लोकें वोट पाने दे अपने हक्क दा इस्तेमाल कीता।

<><><><><><>